



Publicaziuns dalla vischnaunca, jamna 51

Damonda da baghegiar

Nr. 2013-1053.000

Datum dalla publicaziun: ils 20 da december 2013

Il patrun: Clemens Berther-Bearth Via Salez 3, 7186 Segnas

Il representant: Clemens Berther-Bearth Via Salez 3, 7186 Segnas

Object: Sanaziun dil tetg casa, cuvrida cun collecturs fotovoltaics resp. eternit, parcella 125, Via Salez 3, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 17-12-2013

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

2013-1049.000

Georg Orlik-Bigliel, Via Disla 14, 7180 Disentis/Mustér; construcziun d'ina bargia, procedura posteriura, parcella 1817, Via Disla 14, 7180 Disentis/Mustér.

Disentis/Mustér, ils 16-12-2013

Uffeci da baghegiar Disentis/Mustér

Revisiun parziala dil plan da quartier Acletta sid Plan da quartier Alvezza cun regruppament da terren Publicaziun ufficiala

Sebasond sin art. 51 dalla lescha davart la planisaziun dil territori pil cantun Grischun (KRG/LPT) ed art. 18 dall'ordinaziun davart la planisaziun dil territori pil cantun Grischun (KRVO/OPT) vegn publicau uffizialmein suandonta documentaziun tiel plan da quartier Acletta sid:

- Plan da quartier Acletta sid situaziun 1:2000
- Plan da quartier Alvezza formaziun 1:1000
- Plan da quartier Alvezza avertura 1:1000
- Plan da quartier Alvezza regruppament da terren 1:1000
- Prescripziuns tiel plan da quartier cun tabellas

Dil plan da quartier Acletta sid e dil plan da quartier Alvezza sa vegnir priu investa durant 30 dis naven dils 20 da december 2013 entochen ils 20 da schaner 2014 en casa communal (stanza 10) durant las uras da spurtegl.

Durant il temps d'exposiziun sa vegnir fatg protesta alla suprastanza communal, caum postal 57, 7180 Disentis/Mustér. La protesta sto vegnir inoltrada a scret ed ei da motivar. Legitimai d'inoltrar ina protesta ein persunas che san far valer enviers la planisaziun da quartier interess persunals, digns da vegnir protegi ni ch'ei legitimai leutier sin fundament dil dretg federal.

Disentis/Mustér, ils 17-12-2013

Suprastanza communal



Administraziun communal

Sur las fiastas da **Nadal** e **Daniev** ei l'administraziun communal **serrada** ils suandonts dis:

*mardis, ils 24 da december 2013
mesjamna, ils 25 da december 2013
gievgia, ils 26 da december 2013, Sogn Stiafen*

*mardis, ils 31 da december 2013
mesjamna, igl 1. da schaner 2014
gievgia, ils 2 da schaner 2014*

Nus giavischein ina biala fiasta da Nadal ed in bien onn 2014!

Administraziun communal

Bien di, bien onn

Cun l'entschatta digl onn 2013 ha la nova perioda da legislatura communal entschiet e numerus novs mandataris ein vegni eligi. Igl engaschi e la prontadad da contribuir per il beinstar dil generaleesser e dar novs impuls ad in bien svilup ein stai las finamiras dallas instituziuns. Il patratg fundamental dalla seduta constitutiva «baghegiar punts» duei era futuramein haver sia giustificaziun. Jeu giavischel a convischinas e convischins bialas e graziusas fiastas da Nadal ed in legreveil e benediu 2014.

*En num dalla suprastonza communal
Francestg Cajacob, president communal*

Cussegl da vischnaunca Informaziun pendicularas – revisiun parziala lescha d'exploziun

Il cussegl da vischnaunca ei avon la tractaziun dallas fatschentas vegnius informaus entras il directur dallas Pendicularas da Mustér Rudolf Büchi a moda cumpetenta davart las investiziuns previdas e planisadas, seigi quei il project d'ennevar ni la colligaziun dil territori da skis cun Sedrun. La vischnaunca vegn el decuors dalla primavera a decider ina revisiun dalla planisaziun locala cun preveder zonas d'ennevar el territori da skis sco era discussiunar concernent ina participaziun finanziaria dalla vischnaunca als projects.

Avon che deliberar las fatschentas ein ils commembers dalla cumissiun da gestiun vegni saramentai. Ella otgavala seduta dils 13 da december 2013 ha il cussegl da vischnaunca sut il tgamun da Flavio Murer tractau ed approbau la revisiun parziala dalla lescha d'exploziun. La finamira principala dalla revisiun ei la harmonisaziun dallas leschas d'exploziun ella Cadi. Da niev ei la suprastonza communal plenipotenziada da lubir exploraziuns (sondaschas, emprovas). La lubientscha per explotar vegn vinavon concedida entras il suveran. Silsuenter ha il cussegl da vischnaunca priu enconuschientscha dils rapports dalla suprastonza communal davart il postulat per ina via da colligaziun Segnas–Acletta–Clavaniev ed ina punt da spassegiar denter Mumpé Medel–Pignola resp. S. Gada. En rama dalla meglieraziun san ins realisar vias pil diever agricol denton buca pil traffic public. Ord motivs da cuosts ed il nez limitau vegn desistiu da perseguitar pil mument ils projects d'infrastructura. Vinavon ha il cussegl da vischnaunca priu enconuschientscha dil rapport davart in pareri per zonas da tempo 30. Cunquei che negin vischinadi giavischa l'introducziun da tempo 30, vegn desistiu d'elaborar in pareri. Il cussegl da vischnaunca ha confirmau Flavio Murer sco president per 2014. Sco vicepresidente ei Edgar Durschei vegnius eligius. Silsuenter han las commembras ed ils commembers astgau guder la beinmeritada tscheina finala a Caischedra.

Suprastonza communal



Referendum facultativ

A caschun da sia seduta dils 13 da december 2013 ha il cussegl da vischnaunca approbau unanimamein la revisiun parziala dalla lescha d'explotaziun.

Conform ad art. 21, lit. b dalla constituziun communal da quella decisiun suttamesa al referendum facultativ.

La lescha d'explotaziun sco era il messadi tier la revisiun parziala dalla lescha ein exponi per investa en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastonza communal

Reducziun individuala dallas premias dalla cassa da malsauns 2013

Persunas e famiglias che vivan en relaziuns economicas mudestas san, risguardond certas premissas, dumandar contribuziuns vid las premias dall'assicuranza da basa obligatoria per la tgira da malsauns (LAM). Persunas che han aunc buca fatg diever san far quei entochen la fin digl onn 2013 (davos termin, datum dil bul da posta 31-12-2013). Informaziuns, basa legala, muossavia ed il formular d'annunzia anfleis Vus sin la pagina d'internet www.sva.gr.ch). Vus saveis era retrer ils formulars tier l'administraziun communal.

Per damondas stein nus bugen a Vossa disposiziun

Administraziun communal

Cantar dils retgs 2014

Ils s. Retgs dalla tschunavla e sisavla classa da Mustér semettan era uonn sin via per visitar ils habitonts da Mustér. Els speran d'astgar legrar biars cun lur viseta e cant. Il tur entscheivan els mintgamaiallas 15.30.

Gievgia, ils 2-1-2014

Mumpé-Tujetsch, Cuoz, Acla da Fontauna, Sax, Acletta, Reka, Funs, Cons, Vitg, Carcarola, Scaletta

Venderdis, ils 3-1-2014

Casa da tgira: 15:45, Mumpé-Medel, Clavianev, Caschuarz, Raveras, Gonda, S. Gions, Davos-Mustér\$

Sonda, ils 4-1-2014

Cuppa, Latis, Cons-su, Dulezi, Faltscharidas, Sontget, Chischliun, Cavardiras, Pardomat, Madernal, Disla, suenter las 19.00 ellas ustrias

Dumengia, ils 5-1-2014

Duront messa a Segnas e Mumpé-Medel e suenter messa a Segnas, Buretsch, Peisel, duront la devoziun en baselgia S. Gions, duront la messa dalla sera en claustra.



Societad da musica Disentis/Mustér & Musica giuvenila Tumpiv

Concert da Nadal

La Societad da musica Mustér e la Musica giuvenila Tumpiv envidan cordialmein al concert da Nadal 2013.

Cu: sonda, ils 21-12-2013

Nua: baselgia parochiala s. Gions a Mustér

Cu: allas 20.00 e silsunter stiva da caffè en halla Cons

Direcziun: Adrian Degonda, Aluis Hosang

Sunter il concert envida la Societad da musica Mustér ad ina stiva da caffè per in e scadin.
Entrada libra, collecta.

Ei fa plascher d'astgar beneventar Vus a nies concert.

*Societad da musica Disentis/Mustér e
Musica giuvenila Tumpiv*

Apparats d'udida

Gliendisdis, ils 30 da december 2013 saveis Vus schar schubergiar e regular Vies apparat d'udida el Center da sanadad Sursassiala SA a Mustér che sesanfla en claustra ed a Curaglia. A Mustér ei il liug signalisau:

a Mustér naven dallas 14.00–ca. las 15.15

a Curaglia naven dallas 15.30 –ca. las 16.30

L'union Pro Audito Chur, cun signur Arthur Jacomet fa quei survetsch per tuts interessents gratuita-mein.

Cordiala invitaziun

Center da sanadad Sursassiala SA

Sentupada d'advent a Segnas

Dumengia, ils 15 da december 2013 allas 17 00.

Kino per pign e grond: Niko 2

El clavau da sentupada, sper via all'entrada dil vitg. Sin mintg'affon spetga ina sorpresa (trer en resti cauld). Duront il temps d'advent ei il nuegl dil clavau da sentupada decoraus ed illuminaus mintga sera dallas 17.00–22 00.

Tuts ein cordialmein envidai e beinvegni. Nus selegrein da s'entupar cun Vus!

La gruppa d'organisaziun



Mirar finiastras d'advent e prender investa dil mulin vegl

a Mompé Medel sonda, ils 28-12-2013

Naven dallas 18.00 entochen allas 21.30 vegn offeriu suppa en stalla tier Armin Manetsch e Priska Müller. Era san ins prender investa co la frina vegn mulada cul mulin vegl restaurau da Gion Battesta e Placi Manetsch naven dallas 19.00 entochen allas 21.00.

Ei vegn offeriu vin caul avon mulin sisum il vitg.

Cordialmein envida *il vischinadi Mompé-Medel*

Banca Raiffeisen Cadi Preavis radunonza generala 2014

La radunonza generala dalla Banca Raiffeisen Cadi ha liug *venderdis, ils 25 d'avrel 2014* allas 20.00 el center da sport a Mustér.

Banca Raiffeisen Cadi cussegl d'admnistraziun

Uniun da dunnas Mustér – Engraziament

La suprastonza dall'uniun da dunnas engrazia grondamein ad in e scadin ch'ei segidaus cun nus avon, duront e suenter la fiera da Nadal.

Tgei fuss ina fiera da Nadal senza ils expositurs, era a Vus tuts engraziein nus fetg per Vossas bialas e bunas purschidas. Mo era a Vus visitaders che haveis dau suatientscha a nies invit ed aschia gidau ad embellir nossa fiera engraziein nus da cor.

Nus savein surdar la biala summa da frs. 1500.– agl *aunghel da Nadal* che vegn organisaus dall'uniun cantunala da dunnas (KFG). Nus giavischein a Vus bialas fiastas da Nadal ed in ventireivel niev onn.

Cordials salids

la suprastonza dall'uniun da dunnas Fabiana, Madlen, Sigrid, Nanetta e Christina

Biblioteca populara Disentis/Mustér e contuorn

Preziada clientella dalla biblioteca

Gest sin Nadal fagein nus a Vus in regal: *Naven d'immediat saveis Vus returnar Vossas medias era ordeifer il temps d'avertura*. La scaffa da returnar medias sesanfla davos la scola veglia. Grazia al sustegn finanziel dalla Banca Raiffeisen savein nus porscher a Vus quei niev survetsch. Nus selegrein che nossa biblioteca vegn ussa aunc pli attractiva per Vus. Nus engraziein per il susteniment e giavischein bialas fiastas da Nadal e tut bien en igl onn niev.

Geschätzte Bibliothekkunden

Rechtzeitig zu Weihnachten machen wir Ihnen ein Geschenk: *Ab sofort können Sie Ihre Medien auch ausserhalb der Öffnungszeiten zurückgeben*. Der Medienrückgabekasten steht hinter dem alten Schulhaus. Der Standort ist markiert. Dank der finanziellen Unterstützung durch die Raiffeisenbank können wir Ihnen diesen neuen Service bieten. Es freut uns, dass mit dieser Dienstleistung unsere Bibliothek für Sie noch attraktiver wird. Wir danken Ihnen herzlich für das Interesse und die Unterstützung im vergangenen Jahr und wünschen Ihnen frohe Weihnachten und alles Gute im neuen Jahr.

Biblioteca populara Disentis/Mustér e contuorn